

Na osnovu člana 7. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09) i člana 25. Statuta Grada Tuzla („Službeni glasnik Grada Tuzla“, broj: 6/21), Gradsko vijeće Grada Tuzla, na sjednici održanoj dana 20.12.2023. godine, d o n o s i:

**O D L U K U**  
**o izvršavanju Budžeta Grada Tuzle za 2024. godinu**

**I – OPŠTE ODREDBE**

Član 1.  
(Predmet)

Ovom Odlukom uređuje se struktura prihoda i primitaka, rashoda i izdataka Budžeta Grada Tuzle za 2024. godinu (u daljem tekstu: Budžet), njegovo izvršavanje, prioriteti plaćanja, obim zaduživanja i garancije, upravljanje javnim dugom, prava i obaveze korisnika budžetskih sredstava, ovlaštenja Gradonačelnika, gradskih službi za upravu, gradskih stručnih i drugih službi, gradskih upravnih organizacija i Gradskog pravobranilaštva, kao i druga pitanja o izvršavanju Budžeta za tekuću godinu.

Član 2.  
(Pojam)

Budžet je procjena godišnjih prihoda i primitaka, te utvrđenih iznosa izdataka i drugih plaćanja Grada, koji donosi Gradsko vijeće.

Budžet se odnosi na fiskalnu 2024. godinu, koja počinje 01. januara, a završava 31. decembra 2024. godine.

Član 3.  
(Struktura budžeta)

Budžet se sastoji od općeg, posebnog dijela i pregleda kapitalnih ulaganja.  
Opći dio budžeta čini Račun prihoda i rashoda, Račun kapitalnih primitaka i izdataka i Račun finansiranja na nivou ukupnog budžeta.

Posebni dio budžeta sastoji se od plana rashoda i izdataka budžetskih korisnika, iskazanih po ekonomskoj, funkcionalnoj i organizacionoj klasifikaciji .

Pregled kapitalnih ulaganja prikazuje ukupnu vrijednost ulaganja po projektima i izvorima finansiranja.

Član 4.  
(Budžetski korisnici)

Budžetski korisnici su Grad Tuzla, JU Centar za socijalni rad Grada Tuzla i JU Centar za kulturu Grada Tuzla.

Član 5.  
(Evidencije)

Transakcije svih prihoda i izdataka i poslovne aktivnosti iz budžeta evidentiraju se u Glavnoj i Pomoćnim knjigama trezora.

Član 6.  
(Uplata prihoda)

Svi javni prihodi i primici budžeta, uključujući i prihode koje korisnici budžeta ostvaruju obavljanjem osnovne djelatnosti po posebnim propisima, uplaćuju se na depozitni račun Grada Tuzle i iskazuju po izvorima iz kojih potiču.

Prihodi ostvareni po osnovu Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 29/03, 22/06 i 43/10) evidentiraju se na posebnom transakcijskom računu koji je u sastavu JRT i koriste se u skladu sa Odlukom o uslovima i načinu korištenja sredstava po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20).

Prihodi ostvareni po osnovu naknade za izgradnju skloništa u skladu sa Zakonom o zaštiti i spašavanju FBiH („Službene novine Federacije BiH“ br. 39/03, 22/06 i 43/10), evidentiraju se na posebnom transakcijskom računu JRT i koriste se za izgradnju i održavanje javnih skloništa, u skladu sa dugoročnim programima i godišnjim planovima za izradu javnih skloništa.

Prihodi ostvareni na osnovu Zakona o izdvajanju i usmjeravanju dijela prihoda preduzeća ostvarenih radom termoelektrana („Službene novine FBiH“, broj: 80/14), evidentiraju se na posebnom transakcijskom računu i koriste u skladu sa članom 6. citiranog Zakona.

Prihodi ostvareni po osnovu Zakona o cestama Federacije Bosne i Hercegovine („Službene novine FBiH“, broj: 12/10, 16/10 i isp.66/13) evidentiraju se na posebnom transakcijskom računu koji je u sastavu JRT i koriste se u skladu sa članom 88. navedenog Zakona, a u okviru sredstava utvrđenih budžetom.

## **II - IZVRŠAVANJE BUDŽETA**

### **Član 7.**

( Sredstva za budžetske korisnike)

Sredstva budžeta koriste se za finansiranje izdataka iz nadležnosti gradskih službi za upravu, stručnih službi, upravnih organizacija, javnih ustanova i ostalih čije je finansiranje iz budžeta predviđeno posebnim propisom.

Sredstva budžeta osiguravaju se budžetskim korisnicima, odnosno potrošačkim jedinicama u okviru budžetskog korisnika, koji su u posebnom dijelu budžeta određeni za nosioce sredstava na pojedinim pozicijama.

Korisnici koriste budžetska sredstva samo za namjene koje su određene budžetom, i to do visine utvrđene u njegovom posebnom dijelu.

### **Član 8.**

(Neplanirana namjenska sredstva budžetskih korisnika)

Donacije, grantovi i namjenski transferi odobreni i uplaćeni na depozitni račun Grada Tuzla, a koji nisu planirani u Budžetu Grada Tuzle, usmjeravaju se u budžet za fiskalnu godinu na osnovu Odluke Gradonačelnika, na prijedlog Službe za budžet i finansije, a u skladu sa zahtjevom nadležnog budžetskog korisnika za namjene za koje su i uplaćeni.

### **Član 9.**

(Odgovornost za prikupljanje prihoda)

Budžetski korisnici odgovorni su za potpuno i pravovremeno prikupljanje i uplaćivanje na depozitni račun Grada Tuzla prihoda budžeta, namjenskih sredstava i vlastitih prihoda iz svoje nadležnosti.

Budžetski korisnici odgovorni su za zakonitost, svrsishodnost, efikasnost i ekonomičnost raspolaganja budžetskim sredstvima.

### **Član 10.**

(Operativni budžeti)

Budžet se izvršava na temelju tromjesečnih planova raspoloživih budžetskih sredstava (novčanog toka), koji odobrava Odbor za likvidnost, na prijedlog Službe za budžet i finansije, a na osnovu dinamike priliva sredstva u budžetu.

Budžetski korisnici pripremaju i podnose prijedloge operativnih budžeta Službi za budžet i finansije.

Prijedlozi operativnih budžeta obuhvataju rashode za tri mjeseca, iskazane na mjesečnom nivou. Služba za budžet i finansije izvještava korisnike o odobrenim operativnim budžetima.

Rashodi svakog korisnika ne mogu prelaziti iznose budžetskih sredstava utvrđenih u operativnom budžetu.

Član 11.  
(Prioriteti izvršavanja budžeta)

Budžet se izvršava u skladu sa njegovim likvidnim mogućnostima po slijedećim prioritetima:

1. otplata duga i kamata,
2. plaće i naknade zaposlenih,
3. grantovi za jednokratne pomoći u oblasti socijalne i boračko invalidske zaštite,
4. plaćanje obaveza po sudskim presudama
5. materijalni i drugi troškovi neophodni za rad gradskih službi za upravu,
6. naknade za rad u Gradskom vijeću i radnim tijelima Gradskog vijeća,
7. tekući izdaci za komunalnu infrastrukturu,
8. kapitalni izdaci za komunalnu infrastrukturu i
9. ostalo.

Član 12.  
(Javne nabavke)

Postupak nabavke roba, usluga i ustupanja radova mora se obavljati u skladu sa Zakonom o javnim nabavkama BiH („Službeni glasnik BiH“, broj: 39/14 i 59/22).

Član 13.  
(Tekuća rezerva)

Hitni i nepredviđeni izdaci koji se pojave u toku budžetske godine, podmiruju se iz sredstava Tekuće rezerve utvrđene u budžetu.

O korištenju sredstava Tekuće rezerve, odlučuje Gradonačelnik, na prijedlog nadležne službe.

Budžetsko izdvajanje za Tekuću rezervu ne smije preći 3% ukupnih prihoda, bez namjenskih prihoda, vlastitih prihoda i bez primitaka.

Ako se tokom godine, na osnovu zakona ili drugih propisa poveća nadležnost korisnika, što zahtijeva povećana sredstva, ili se osnuje novi korisnik, sredstva za njegove troškove mogu se osigurati iz Tekuće rezerve budžeta, a odobrava ih Gradonačelnik.

Ako se tokom godine, na osnovu zakona ili drugih propisa umanja nadležnost korisnika, što zahtijeva smanjena sredstva, ili se korisnik ukine, neutrošena sredstva za njegove troškove prenose se u Tekuću rezervu budžeta ili na korisnika koji preuzme njegove poslove.

Služba za budžet i finansije obavezna je tromjesečno izvještavati Gradonačelnika o korištenju sredstava Tekuće rezerve.

Gradonačelnik polugodišnje izvještava Gradsko vijeće o korištenju sredstava Tekuće rezerve.

Član 14.

Sredstva u organizacionoj jedinici 0404001 JU TUZLANSKA RAZVOJNA AGENCIJA “TRAG”, planirana su u skladu sa Odlukom o osnivanju Javne ustanove Tuzlanska razvojna agencija „TRAG“ Tuzla („Službeni glasnik BiH“, broj: 11/23).

Sredstva iz prethodnog stava se mogu koristiti, nakon što se izvrši prijava i upis javne ustanove u sudski registar i odobri status budžetskog korisnika.

Član 15.  
(Preraspodjela sredstva)

Gradonačelnik može na prijedlog budžetskog korisnika, odnosno potrošačke jedinice budžetskog korisnika, donijeti odluku o prestrukturiranju rashoda u okviru ukupnog iznosa odobrenog za budžetskog korisnika, a najviše do 10% ukupno odobrenih rashoda za budžetskog korisnika.

U okviru odobrenog budžeta, preraspodjela sredstava iznimno je dozvoljena između budžetskih korisnika kao i potrošačkih jedinica budžetskog korisnika.

O preraspodjeli iz prethodnog stava odlučuje Gradonačelnik na prijedlog Službe za budžet i finansije, a u skladu sa zahtjevom budžetskog korisnika, odnosno potrošačke jedinice budžetskog korisnika.

#### Član 16. (Jedinstveni račun trezora)

Obavljanje platnih transakcija vrši se preko transakcijskih računa koji su sastavni dio jedinstvenog računa trezora (u daljem tekstu: „JRT“).

JRT može imati više podračuna.

Sa JRT se ne može isplatiti nijedan izdatak ukoliko nije odobren Budžetom.

#### Član 17. (Povrat više ili pogrešno uplaćenih prihoda)

Povrat pogrešno ili više uplaćenih javnih prihoda u tekućoj godini vrši se sa računa javnih prihoda (depozitnog računa) iz tekućeg priliva korisnika prihoda, a povrat prihoda koji nisu uplaćeni u tekućoj godini vrši se sa transakcijskih računa korisnika prihoda, u skladu sa odredbama važećeg Pravilnika.

### III - REALIZACIJA SREDSTAVA BUDŽETA

#### Član 18. (Sredstva za rad Gradskog vijeća Tuzla)

Sredstva utvrđena za isplatu naknada za rad u Gradskom vijeću i u radnim tijelima Gradskog vijeća isplaćuju se na osnovu Odluke o naknadama vijećnicima i članovima radnih tijela Općinskog vijeća („Službeni glasnik općine Tuzla“, br. 6/97, 10/02 i 12/06, 1/08, 1/09 i 11/10), Odluke o naknadama predsjedavajućem, zamjeniku predsjedavajućeg, predsjednicima Klubova, nezavisnim i vijećnicima iz reda nacionalnih manjina-članovima Kolegija Gradskog vijeća Tuzla („Službeni glasnik općine Tuzla“, broj 8/07 i Službeni glasnik Grada Tuzla“, broj 7/17) i drugim propisima koji regulišu ovu oblast.

Raspodjela sredstava za rad parlamentarnim političkim subjektima u Gradskom vijeću Tuzla vrši se u skladu sa Odlukom o izdvajanju sredstava iz Budžeta Grada Tuzla za rad političkih stranaka, nezavisnih vijećnika, koalicija i lista nezavisnih kandidata („Službeni glasnik Grada Tuzla“, broj 1/02, 12/06, 8/07, 11/11, 2/13, 3/13 i 12/17).

#### Član 19. (Sredstva za rad Savjeta mjesnih zajednica)

Sredstva planirana za rad Savjeta mjesnih zajednica isplaćuju se na osnovu Odluke o visini naknade predsjednicima i članovima Savjeta mjesnih zajednica („Službeni glasnik Općine Tuzla“, broj: 06/10 i 09/13).

#### Član 20. (Plaće i naknade troškova zaposlenih)

Sredstva utvrđena u Budžetu za plaće uposlenika, isplaćuju se u skladu sa važećom Odlukom o plaćama uposlenika gradskih organa Tuzla.

Osnovica za obračun plaće uposlenika gradskih organa Tuzla u periodu 01.01.-31.12.2024. godine, iznosi 385,00 KM, a visina boda 1,10, što je utvrđeno potpisanim Sporazumom o utvrđivanju

osnovice i boda za obračun plaće za 2024. godinu između Gradonačelnika Grada Tuzle, Sindikalne organizacije državnih službenika i namještenika Grada Tuzle i Sindikalne organizacije Profesionalne vatrogasne brigade (PVB) Tuzla.

Sredstva za naknade zaposlenih isplaćuju se u skladu sa važećom Odlukom o naknadama uposlenicima gradskih organa uprave Tuzla koje nemaju karakter plaće.

Sredstva za plaće i naknade uposlenih u javnim ustanovama, iz člana 4. stav 2. ove Odluke, obračunavat će se i isplaćivati u skladu sa važećim pravilnicima javnih ustanova.

Član 21.  
(Raspoređivanje sredstava)

Sredstva utvrđena u Budžetu Grada Tuzle na pozicijama:

1. Grantovi pojedincima-socijalne jednokratne pomoći,
2. Grantovi pojedincima-za liječenje teško oboljelih u inostranstvu i
3. Grantovi pojedincima-jednokratne pomoći korisnicima BIZ-a,

raspoređuju se na osnovu pravilnika koji donosi Gradsko vijeće.

Član 22.

Sredstva utvrđena u Budžetu Grada Tuzle na pozicijama :

1. Nagrade studentima, učenicima i sportistima za natprosječan uspjeh,
2. Grant ADS FBiH za obuku državnih službenika i namještenika,
3. Grantovi organizacijama iz oblasti poljoprivredne proizvodnje,
4. Grantovi neprofitnim organizacijama – sport
5. Grantovi neprofitnim organizacijama - udruženja, organizacije i fondacije,
6. Grantovi neprofitnim organizacijama – Kulturno- nacionalna udruženja,
7. Grantovi neprofitnim organizacijama – DVD na području grada Tuzla,
8. Grantovi neprofitnim organizacijama - podrška radu udruženjima,
9. Grantovi za zaštitu kulturno - historijskog i prirodnog naslijeđa,
10. Grantovi za ostale nacionalne manjine,
11. Grantovi za realizaciju Akcionog plana za Rome i Romkinje grada Tuzle,
12. Grantovi za realizaciju kulturne manifestacije „Ljeto u Tuzli“,
13. Grantovi za raseljena lica – pomoć povratku,
14. Grantovi za povratak – LAP Readmisija.
15. Grantovi za projekte za mlade,
16. Grantovi za medije,
17. Grant za JP „Veterinarska stanica“ – Program kontrole populacije pasa u gradu Tuzla,
18. Tekući grantovi vjerskim zajednicama
19. Tekući grantovi za finansiranje projekata iz oblasti poduzetništva,
20. Tekući grantovi za razvoj primarne poljoprivredne proizvodnje,
21. Tekući transfer KU CZ Tuzla – za deminiranje,
22. Subvencioniranje kamata za stambeno zbrinjavanje mladih,
23. Kapitalni grantovi vjerskim zajednicama,
24. Kapitalni grantovi za razvoj primarne poljoprivredne proizvodnje,
25. Kapitalni grantovi –DVD na području grada Tuzla,
26. Grantovi za realizaciju Akcionog plana za djecu,
27. Grantovi za kulturne manifestacije,
28. Grantovi za sportske manifestacije,

raspoređuju se na osnovu programa raspodjele sredstava za svaku poziciju u ovom članu, donesenih od strane Pomoćnika Gradonačelnika za nadležnu službu u skladu sa kriterijima utvrđenim u odlukama i pravilnicima koje donosi Gradonačelnik, osim za pozicije:

- Tekući grantovi vjerskim zajednicama,

- Kapitalni grantovi vjerskim zajednicama,
  - Grantovi za zaštitu kulturno-historijskog i prirodnog naslijeđa i
  - Kapitalni grantovi za razvoj primarne poljoprivredne proizvodnje,
- sa kojih se sredstva raspoređuju u skladu sa zahtjevom, odnosno finansijskim planom utroška sredstava.

Program raspodjele sredstava za pozicije iz stava 1. ovog člana sadrži slijedeće elemente:

- naziv projekta,
- ime korisnika projekta,
- visinu sredstava za realizaciju projekta,
- broj transakcijskog računa korisnika projekta.

Rok za usvajanje programa raspodjele sredstava iz stava 1. ovog člana je 30.09.2024. godine.

Resorne službe su dužne, nakon okončanja procedure raspodjele sredstava, zaključiti ugovore sa korisnicima o načinu korištenja sredstava, te pratiti njihovu realizaciju, osim na poziciji „Nagrade učenicima, studentima i sportistima za natprosječan uspjeh“.

### Član 23.

Sredstva utvrđena u Budžetu Grada Tuzle na pozicijama :

1. Grant neprofitnoj organizaciji RSD „Sloboda“ Tuzla,
2. Grant neprofitnoj organizaciji-Sportski savez grada Tuzla,
3. Grant neprofitnoj organizaciji- UG“Kuća plamena mira“ Tuzla,
4. Grant neprofitnim organizacijama- UG „Lovačko društvo Tuzla“,
5. Grant neprofitnoj organizaciji KK „Jedinstvo“ Tuzla,
6. Grant neprofitnoj organizaciji OKK „Sloboda“ Tuzla,
7. Grant neprofitnoj organizaciji – Srpsko građansko vijeće Tuzla;
8. Grant neprofitnoj organizaciji – Udruženje za razvoj Nerda,
9. Grant Crvenom križu za projekat njege i pomoći u kući,
10. Grant za MDD „Merhamet“ za Narodnu kuhinju“Imaret“,
11. Grant za Aero-klub Tuzla,
12. Grant za Jevrejsku općinu Tuzla
13. Transfer za rad – UG „Nirina“ Tuzla;
14. Transfer za rad – Udruženje obrtnika grada Tuzla,
15. Transfer za rad -- Crveni križ grada Tuzla,
16. Transfer za rad -- Udruženje penzionera grada Tuzla,
17. Transfer za rad -- JP „RTV 7“ Tuzla,
18. Transfer za rad – JP SKPC „Mejdan“ Tuzla,
19. Transfer za rad – JP Gradska veterinarska stanica Tuzla,
20. Transfer za rad – RPC Tuzla – „Inkubator Lipnica“,
21. Transfer za rad – JP BIT Centar Tuzla,
22. Transfer za rad – za Vijeće mladih,
23. Transfer za rad - UG „Viva žene“ Tuzla,
24. Transfer za rad – Dnevni centar za djecu sa višestrukim smetnjama „Koraci nade“,
25. Tekući grant – JZU Gradske apoteke Tuzla,
26. Grant za tekuće poslovanje DOO „Tržnice - Pijace“ Tuzla,
27. Grant za realizaciju Plana upravljanja otpadom za Grad Tuzla,
28. Grant JKP „Vodovod i kanalizacija“ d.o.o. Tuzla,
29. Kapitalni grant – Memorijalni centar Srebrenica – Potočari, Spomen obilježje i mezarje za žrtve genocida iz 1995. godine.,
30. Transfer za rad – UG Roditelja i prijatelja djece sa dijabetesom „Novi horizonti“ Tuzla,
31. Transfer za rad –JU za predškolski odgoj i obrazovanje „Naše dijete“ Tuzla,
32. Transfer za rad – JU „Gradski stadion Tušanj“ Tuzla,
33. Grant ORVI Grada Tuzle '92 –'95 za obilježavanje 16. maja dana Tuzlanskih brigada,
34. Kapitalni grant za JU Muzej istočne Bosne
35. Grant za udruženje Kulturni centar Roma

36. Kapitalni grant – UG „Kuća plamena mira“ Tuzla

37. Kapitalni grant - JP SKPC “Mejdan” Tuzla“

dodjeljuju se na osnovu ugovora, a uz prethodni zahtjev odnosno finansijski plan utroška sredstava, koji će se korisnikom sredstava zaključiti nadležna služba - nosilac sredstava u budžetu.

Ugovorom će se definisati namjena i način korištenja sredstava, te ostale obaveze u pogledu namjenskog korištenja istih.

#### Član 24.

(Grant za pomoć Fondaciji „Istina – pravda – pomirenje“ Tuzla)

Sredstva utvrđena u budžetu na poziciji Grant za pomoć Fondaciji „Istina – pravda – pomirenje“ Tuzla dodjeljuju se i koriste na osnovu Finansijskog plana i Programa aktivnosti Fondacije za 2024. godinu, usvojenih od strane Komisije za istinu o Tuzli 1992. – 1995. Gradskog vijeća Tuzla.

Navedena sredstva uplaćivat će se Fondaciji „Istina – pravda – pomirenje“ Tuzla kvartalno, na osnovu zahtjeva i usvojenog izvještaja Fondacije o utrošku uplaćenih sredstava za predhodni kvartal, od strane Komisije iz stava 1. ovog člana.

#### Član 25.

(Ostali transferi za obavezno zdravstveno osiguranje za lica u stanju socijalne potrebe)

Sredstva utvrđena u Budžetu Grada Tuzle na poziciji „Ostali transferi za obavezno zdravstveno osiguranje za lica u stanju socijalne potrebe“, dodjeljuju se u skladu sa Pravilnikom koji donosi Gradonačelnik na prijedlog Službe za kulturu, sport, mlade i socijalnu zaštitu.

#### Član 26.

(Transfer za rad - JU „Narodno pozorište“ Tuzla i Transfer za rad - JU Narodna i univerzitetska biblioteka „Derviš Sušić“ Tuzla)

Sredstva utvrđena u budžetu na poziciji Transfer za rad - JU „Narodno pozorište“ Tuzla i Transfer za rad - JU Narodna i univerzitetska biblioteka „Derviš Sušić“ Tuzla, dodjeljuju se u skladu sa zaključenim Ugovorom sa Vladom TK, o regulisanju međusobnih odnosa u vezi sa prenošenjem i preuzimanjem suosnivačkih prava nad navedenim ustanovama.

#### Član 27.

(Grant za aktivnu politiku zapošljavanja i Grant za podršku privatnim preduzećima i poduzetnicima)

Sredstva utvrđena za realizaciju „Granta za aktivnu politiku zapošljavanja“ i „Granta za podršku privatnim preduzećima i poduzetnicima“ dodjeljuju se u skladu sa važećim pravilnikom kojim su utvrđeni uslovi, kriteriji i postupak dodjele novčane podrške privrednim subjektima na području Grada Tuzle, koji donosi Gradonačelnik Grada Tuzle.

#### Član 28.

(Grant pojedincima za poticaj poljoprivredne proizvodnje i Grant privatnim preduzećima i poduzetnicima za poticaj poljoprivredne proizvodnje)

Sredstva utvrđena za realizaciju „Grant pojedincima za poticaj poljoprivredne proizvodnje“ i „Grant privatnim poduzećima i poduzetnicima za poticaj poljoprivredne proizvodnje“ dodjeljuju se u skladu sa pravilnikom koji donosi Gradonačelnik Grada Tuzle.

#### Član 29.

(Grantovi neprofitnim organizacijama – učešće grada u projektima EU i drugih međunarodnih organizacija, Kapitalni grant – učešće grada u projektima EU i drugih međunarodnih organizacija i Grantovi neprofitnim organizacijama- Učešće grada u projektima EU i drugih međunarodnih i ostalih neprofitnih organizacija)

Sredstva utvrđena u budžetu, na poziciji Grantovi neprofitnim organizacijama – učešće grada u projektima EU i drugih međunarodnih organizacija, Kapitalni grant – učešće grada u projektima EU i drugih međunarodnih organizacija i Grantovi neprofitnim organizacijama- Učešće grada u projektima EU i drugih međunarodnih i ostalih neprofitnih organizacija, realizovat će se na osnovu zaključenog ugovora između Grada Tuzla i EU, drugih međunarodnih organizacija i ostalih neprofitnih organizacija.

Član 30.  
(Donatorska sredstva)

U Budžetu Grada Tuzle planirani su izdaci po osnovu namjenskih donatorskih sredstava, koja se troše u skladu sa potpisanim ugovorima, odnosno sporazumima i dr. aktima sa donatorom sredstava.

Član 31.  
(Predfinansiranje projekata Grada Tuzle odobrenih iz fondova EU i drugih međunarodnih organizacija)

Isplata troškova za realizaciju projekata Grada Tuzle odobrenih iz fondova EU i drugih međunarodnih organizacija, a koji zahtijevaju predfinansiranje, može se vršiti iz Budžeta Grada Tuzle u skladu sa potpisanim ugovorima, odnosno sporazumima sa donatorom sredstava.

Predfinansiranje projekata predviđenih stavom 1. ovog člana podrazumijeva obavezu Grada da osigura sredstva za realizaciju odobrenih projekata uz obavezu refundiranja isplaćenih troškova od strane donatora u skladu sa preuzetim obavezama.

Odluku o načinu predfinansiranja projekata u cilju realizacije obaveza iz stava 2. ovog člana, na prijedlog budžetskog korisnika, odnosno potrošačke jedinice budžetskog korisnika koji vrši realizaciju odobrenog projekta, donosi Gradonačelnik.

Član 32.  
(Grantovi za projekte energetske efikasnosti)

Sredstva utvrđena u Budžetu na poziciji Grantovi za projekte energetske efikasnosti u potrošačkoj jedinici Služba za komunalne poslove, izgradnju i poslove MZ-a realizovat će se u skladu sa Odlukom o uslovima, kriterijima, postupku i načinu dodjeljivanja grantova za projekte energetske efikasnosti, usvojenom od strane Gradskog vijeća Tuzla.

Član 33.  
(Subvencije pojedincima po osnovu komunalne naknade)

Sredstva utvrđena u Budžetu Grada Tuzle, u potrošačkoj jedinici Služba za komunalne poslove, izgradnju i poslove MZ-a, na poziciji „Subvencije pojedincima po osnovu komunalne naknade“ realizovat će se u skladu sa Odlukom o uslovima i postupku ostvarivanja prava na subvencioniranje komunalne naknade („Službeni glasnik Grad Tuzla“, broj: 10/19 ).

Član 34.  
(Grantovi korisnika BIZ-a)

Sredstva utvrđena u Budžetu na poziciji „Učešće grada u troškovima postupka pribavljanja odobrenja za građenje korisnika BIZ-a“ dodjeljuju se na način propisan Odlukom o subvencioniranju naknade za pogodnost lokacije i troškova u postupku građenja i legalizacije stambenih objekata („Službeni glasnik općine Tuzla“, broj:11/06 i 6/10).

Sredstva za rad organizacija i udruženja iz oblasti boračko-invalidske zaštite sa područja Grada Tuzla, dodjeljuju se na način propisan Odlukom o uslovima, kriterijima i postupku dodjele sredstava za finansiranje rada i realizaciju programskih ciljeva organizacija i udruženja iz oblasti boračko-invalidske zaštite sa područja općine Tuzla („Službeni glasnik općine Tuzla“, br. 02/10 i 2/20).

Član 35.



(Subvencioniranje najamnine za korištenje stanova po modelu  
neprofitno –socijalno stanovanje)

Sredstva utvrđena u Budžetu na poziciji „Subvencioniranje najamnine za korištenje stanova po modelu neprofitno – socijalno stanovanje“ dodjeljuju se na način propisan Odlukom o kriterijima, uslovima i postupku ostvarivanja prava na subvencioniranje najamnine za korištenje stanova po modelu neprofitno – socijalno stanovanje („Službeni glasnik Grada Tuzla“, broj: 10/17).

Sredstva utvrđena u Budžetu na poziciji „Učešće grada u projektima ekonomske održivosti neprofitno – socijalno stanovanje i drugih međunarodnih organizacija“ realizovat će se na osnovu zaključenog sporazuma ili ugovora između Grada Tuzle i međunarodnih organizacija.

Član 36.  
(Kapitalni budžet)

Sredstva utvrđena u Budžetu Grada Tuzle, kao „Kapitalni izdaci“ koriste se u skladu sa usvojenim kapitalnim budžetom koji je sastavni dio Budžeta Grada Tuzle za 2024. godinu.

Član 37.  
(Grantovi za nabavku i ugradnju toplotnih MRS-a i za troškove angažovanog kapaciteta u MZ Šićki Brod, MZ Bukinje i MZ Husino)

Sredstva u Budžetu, u potrošačkoj jedinici Služba za komunalne poslove, izgradnju i poslove mjesnih zajednica, na poziciji Grant za nabavku i ugradnju toplotnih MRS-a u MZ Šićki Brod, MZ Bukinje i MZ Husino, realizovat će se na osnovu posebne odluke Gradonačelnika, na prijedlog Službe za komunalne poslove, izgradnju i poslove mjesnih zajednica.

Član 38.  
(Naknade za rad stručnih komisija)

Sredstva utvrđena u Budžetu za isplatu naknada za rad stručnih komisija za tehnički prijem objekata, isplaćuju se na osnovu Odluke o uslovima i načinu formiranja komisija za tehnički pregled, visine i načina plaćanja troškova za tehnički pregled građevina u postupku izdavanja odobrenja za upotrebu („Službeni glasnik Grad Tuzla“, broj 7/22).

Sredstva utvrđena u Budžetu za rad u stalnim i privremenim komisijama čije osnivanje je predviđeno posebnim propisima, koje imenuju Gradonačelnik, odnosno rukovodioci gradskih službi, isplaćuju se u skladu sa Odlukom o naknadama uposlenicima gradskih organa uprave Tuzla koje nemaju karakter plaće („Službeni glasnik Grada Tuzla“, broj 13/21).

Sredstva utvrđena u Budžetu za isplatu naknada za rad Zdravstvenog savjeta Grada Tuzle, isplaćuju se na osnovu Odluke o naknadama vijećnicima i članovima radnih tijela Općinskog vijeća („Službeni glasnik općine Tuzla“, broj: 6/97, 10/02, 12/06, 1/08, 1/09 i 11/10).

Član 39.  
(Sredstva za rad Gradske izborne komisije)

Sredstva planirana u okviru potrošačke jedinice Gradska izborna komisija Grada Tuzle će se realizovati u skladu sa Izbornim zakonom Bosne i Hercegovine.

Član 40.  
(Subvencioniranje troškova sanacije zajedničkih dijelova zgrada)

Sredstva utvrđena u Budžetu Grada Tuzle u okviru izdataka Službe za civilnu zaštitu, na poziciji „Subvencioniranje troškova sanacije zajedničkih dijelova zgrada“, dodjeljivat će se u skladu sa Odlukom koju donosi Gradsko vijeće Tuzla.

Član 41.  
(Sredstva za zaštitu i spašavanje)

Sredstva utvrđena u Budžetu Grada Tuzla u okviru izdataka „Službe za civilnu zaštitu - Sredstva za zaštitu i spašavanje“, koristit će se prema Godišnjem planu korištenja sredstava za zaštitu i spašavanje, koji donosi Služba civilne zaštite uz pribavljeno mišljenje Gradskog štaba civilne zaštite, a transakcije po ovom osnovu vršit će se putem namjenskog transakcijskog računa Grada Tuzla, kao podračuna JRT.

#### **IV - FINANSIJSKO IZVJEŠTAVANJE**

Član 42.

(Izvještaji o izvršavanju Budžeta)

Služba za budžet i finansije dužna je podnositi Gradonačelniku tromjesečni, polugodišnji i devetomjesečni finansijski izvještaj o izvršenju Budžeta po isteku obračunskog perioda, a godišnji izvještaj najkasnije u roku šest mjeseci od završetka fiskalne godine.

Služba za budžet i finansije dužna je dostaviti kvartalne izvještaje Ministarstvu finansija TK u roku od 20 dana po isteku obračunskog perioda, a za IV kvartal do 5. marta tekuće godine.

#### **V - ZADUŽIVANJE I UPRAVLJANJE DUGOM**

Član 43.

(Stvaranje obaveza)

Grad može stvoriti obaveze na osnovu zaduživanja ili izdavanja garancija.  
O visini zaduživanja i garancijama odlučuje Gradsko vijeće.  
Otplata duga Grada predstavlja obavezu Grada.

Član 44.

(Svrhe zaduženja)

- Grad Tuzla se može zadužiti u slijedeće svrhe:
- za finansiranje kapitalnih investicija i posebnih programa odobrenih od Gradskog vijeća;
  - za plaćanje, na temelju izdatih garancija Grada, u potpunosti ili djelimično u slučajevima kada zajmoprimac ne isplati svoje obaveze;
  - za finansiranje budžetskog deficita.

Član 45.

(Svrhe izdavanja garancija)

Grad može izdati garanciju samo za finansiranje kapitalnih investicija, i samo pod uslovom da je pravna osoba koja je zajmoprimac sredstava pravna osoba čiji je većinski vlasnik Grad.

#### **VI - RAČUNOVODSTVO I NADZOR BUDŽETA**

Član 46.

(Računovodstvena načela)

Budžetsko računovodstvo se zasniva na računovodstvenim načelima: tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja, te na međunarodnim računovodstvenim standardima za javni sektor.

Budžetsko računovodstvo se vodi po načelu dvojnog knjigovodstva i na računima kontnog plana budžeta.

Član 47.

(Načelo modificiranog nastanka događaja)

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, to jest kada su uplaćeni na račun budžeta.

Rashodi i izdaci priznaju se u onom periodu kada je nastala obaveza za plaćanje.

#### Član 48.

(Odgovornost za stvaranje obaveza)

Pomoćnici gradskih službi za upravu i rukovodioci gradskih stručnih i drugih službi, direktor gradske upravne organizacije, Gradski pravobranilac i direktori javnih ustanova kao budžetskih korisnika odgovorni su za interni nadzor korištenja sredstava dodijeljenih budžetom.

### **VII - JAVNOST I TRANSPARENTNOST BUDŽETA**

#### Član 49.

(Objavljivanje dokumenata)

U cilju obavještanja javnosti o upravljanju javnim prihodima - Budžet, Dokument okvirnog budžeta, Odluka o izvršavanju budžeta i ostali dokumenti vezani za izvršavanje budžeta, objavljivat će se u Službenom glasniku Grada Tuzla, u skladu sa članom 100. Zakona o budžetima u FBiH Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22).

Svi dokumenti iz stava 1. ovog člana, objavljivat će se i na internet stranici Grada Tuzla.

### **VIII - PRELAZNE I ZAVRŠNE ODREDBE**

#### Član 50.

(Primjena podzakonskih akata)

Na sva pitanja koja nisu regulisana ovom Odlukom, a tiču se načina izrade, donošenja, izvršavanja budžeta, zaduživanja, duga, računovodstva, nadzora i revizije budžeta, primjenjivat će se odredbe važećih propisa.

#### Član 51.

(Kaznene odredbe)

U slučaju nepoštivanja ove Odluke, primjenjivat će se odredbe člana 102. i 103. Zakona o budžetima u Federaciji Bosne i Hercegovine.

#### Član 52.

(Stupanje na snagu)

Ova Odluka stupa na snagu danom objavljivanja u „Službenom glasniku Grada Tuzla“, a primjenjivat će se za fiskalnu 2024. godinu.

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**GRADSKO VIJEĆE**  
**Broj: 01/11-A-20271-2023**  
**Tuzla, 20.12.2023.godine**

**PREDSJEDAVALA VIJEĆA**

**Nataša Perić, prof.**

## O b r a z l o ž e n j e

### Pravni osnov

Pravni osnov za donošenje Odluke o izvršavanju budžeta Grada Tuzla za 2024. godinu (u daljem tekstu: Odluka), sadržan je u sljedećim odredbama:

- odredba člana 7. Zakona o budžetima u Federaciji Bosne i Hercegovine (“Službene novine Federacije BiH” br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisuje da se uz budžete donosi zakon, odnosno odluka o izvršavanju budžeta kojom se uređuje struktura prihoda i primitaka, te rashoda i izdataka budžeta i njegovo izvršavanje, prioriteti plaćanja, obim zaduživanja i izdavanje garancija, upravljanje dugom, te finansijskom i nefinansijskom imovinom, prava i obaveze korisnika budžetskih sredstava i dr. Dok je odredbom člana 46. istog Zakona propisano da se Budžet izvršava na osnovu Zakona o izvršavanju budžeta za nivo Federacije i kantona, na osnovu odluke o izvršavanju budžeta za nivo grada i općine, odnosno na osnovu odluke o izvršavanju finansijskog plana vanbudžetskog fonda.
- odredba člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), propisuje da gradsko vijeće u okviru svojih nadležnosti između ostalog usvaja budžet i izvještaj o izvršenju budžeta jedinice lokalne samouprave.
- odredba člana 25. Statuta Grada Tuzla („Službeni glasnik Grada Tuzla“, broj: 6/21), propisuje nadležnosti Gradskog vijeća i utvrđeno je da Gradsko vijeće u okviru svojih nadležnosti između ostalog usvaja budžet i izvještaj o izvršenju budžeta Grada.

### Razlozi za donošenje

Zakonska obaveza donošenja Budžeta za svaku fiskalnu godinu, obavezuje istovremeno i donošenje i akta kojim se propisuju pravila i način izvršavanja Budžeta za svaku fiskalnu godinu.

### Obrazloženje pojedinih odredbi

Ovom Odlukom uređuje se struktura prihoda i primitaka, rashoda i izdataka Budžeta Grada Tuzla za 2024. godinu (u daljem tekstu: Budžet), njegovo izvršavanje, prioriteti plaćanja, obim zaduživanja i garancije, upravljanje javnim dugom, prava i obaveze korisnika budžetskih sredstava, ovlaštenja Gradonačelnika, gradskih službi i drugih organizacionih jedinica, kao i druga pitanja o izvršavanju Budžeta za tekuću godinu.

Odlukom se takođe reguliše način izvršavanja Budžeta u sistemu trezora, što podrazumjeva operativno planiranje, jedinstvenu evidenciju (glavna i pomoćne knjige trezora), Jedinstveni račun trezora i uvođenje novih budžetskih korisnika.

U odnosu na nacrt Odluke o izvršavanju Budžeta Grada Tuzla za 2024. godinu, prijedlog Odluke o izvršavanju Budžeta Grada Tuzla za 2024. godinu se razlikuje u sljedećem;

Na prijedlog Službe za ekonomski razvoj, poduzetništvo i poljoprivredu, broj: 04-451/23 od 07.12.2023. godine, iza člana 13. dodaje se novi član 14. kojim je propisano da su sredstva u organizacionoj jedinici 0404001 JU TUZLANSKA RAZVOJNA AGENCIJA “TRAG” planirana u skladu sa Odlukom o osnivanju Javne ustanove Tuzlanska razvojna agencija „TRAG“ Tuzla („Službeni glasnik BiH“, broj:11/23), te da će se navedena sredstva koristiti, nakon što se izvrši prijava i upis ove javne ustanove u sudski registar i odobri status budžetskog korisnika. Naime, Gradsko vijeće Tuzla je dana 27.11.2023. godine donijelo Odluku o osnivanju Javne ustanove Tuzlanska razvojna agencija „TRAG“ Tuzla, kojom se osniva Javne ustanove Tuzlanska razvojna agencija „TRAG“ Tuzla (u daljem

tekstu: Razvojna agencija) i uređuju pitanja koja se odnose na: naziv osnivača, naziv, sjedište, pečat i djelatnost Razvojne agencije, finansiranje, sredstva za rad, imovinu i obaveze, organe upravljanja, rukovođenja i kontrole, međusobna prava i obaveze osnivača i Razvojne agencije, opće akte, imenovanje osobe ovlaštene za prijavu i upis u sudski registar, osobu koja će do imenovanja organa rukovođenja predstavljati i zastupati Razvojnu agenciju, rok za donošenje Pravila Razvojne agencije i druga pitanja od značaja za osnivanje i rad Razvojne agencije. Imajući u vidu naprijed navedeno u organizacionoj jedinici 0404001 JU TUZLANSKA RAZVOJNA AGENCIJA "TRAG", su planirana sredstva za rad Razvojne agencija, koja će se koristiti nakon što se izvrši prijava i upis u sudski registar i odobri status budžetskog korisnika.

Na prijedlog Službe za ekonomski razvoj, poduzetništvo i poljoprivredu, broj: 04-451/23 od 07.12.2023. godine, vrši se dopuna nacrta Odluke o izvršavanju Budžeta Grada Tuzla za 2024. godinu na način da se u članu 22. stav 1. Odluke iza treće alineje dodaje se nova alineja, koja glasi:  
„-Kapitalni grantovi za razvoj primarne poljoprivredne proizvodnje.“

Na prijedlog Stručne službe za poslove gradonačelnika, broj: 02-511-11-2023SD od 10.11.2023. godine, vrši se dopuna nacrta Odluke o izvršavanju Budžeta Grada Tuzla za 2024. godinu, na način da se u dijelu III REALIZACIJA SREDSTAVA BUDŽETA, u članu 23. iza tačke 33. dodaje nova tačka 34. koja glasi: „, Kapitalni grant za JU Muzej istočne Bosne“.

Na prijedlog Službe za kulturu, sport, mlade i socijalnu zaštitu, broj:17-555/23 TB od 29.11.2023. godine vrše se dopune nacrta Odluke na način da se:  
- u članu 22. Odluke iza tačke 25. dodaje nova tačka 26. koja glasi „Grantovi za realizaciju Akcionog plana za djecu“  
- u članu 23. Odluke dodaju nove tačke 35. i 36., odnosno nove pozicije pod nazivom:  
„Grant za udruženje Kulturni centar Roma“ i  
„Kapitalni grant – UG „Kuća plamena mira“ Tuzla“.

Na prijedlog Službe za kulturu, sport, mlade i socijalnu zaštitu broj: 17-571/23 TB od 11.12.2023. godine vrše se izmjene nacrta Odluke na način da se:  
- u članu 22. stav 1. alineja 1. "Nagrade studentima, učenicima i sportistima za nadprosječan uspjeh" mijenja i glasi "Nagrade studentima, učenicima i sportistima za natprosječan uspjeh";  
- u članu 22. stav 1. alineja 11. "Grantovi za realizaciju Lokalnog akcionog plana za Rome Grada Tuzla" mijenja se i glasi "Grantovi za realizaciju Akcionog plana za Rome i Romkinje grada Tuzle";  
- u članu 23. stav 1. alineja 9. "Grant Crvenom križu za projekat tuđe njege i pomoći u Gradu Tuzla" mijenja se i glasi "Grant Crvenom križu za projekat njege i pomoći u kući",  
Također, na prijedlog Službe za kulturu, sport, mlade i socijalnu zaštitu od 11.12.2023. godine, se briše član 25. nacrta Odluke "Grantovi za kulturne manifestacije, Grantovi za sportske manifestacije i Ostali grantovi pojedincima - kultura", iz razloga što na poziciji "Ostali grantovi pojedincima" nisu planirana sredstva za 2024. godinu, a dodjela sredstava sa pozicija "Grantovi za kulturne manifestacije" i "Grantovi za sportske manifestacije" će se planirati u članu 22. nacrta Odluke, na način da se izvrši dopuna člana 22. alinejama 27. i 28, koje glase:  
"Grantovi za kulturne manifestacije" i  
"Grantovi za sportske manifestacije".

Na prijedlog Službe za ekonomski razvoj, poduzetništvo i poljoprivredu, broj: 04-446/23 od 29.11.2023. godine, vrši se dopuna nacrta Odluke na način da se u članu 23. Odluke iza novih tački 35. i 36., dodaje nova tačka 37. odnosno nova pozicija pod nazivom: Kapitalni grant - JP SKPC "Mejdan" Tuzla“.

Na prijedlog Službe za ekonomski razvoj, poduzetništvo i poljoprivredu od 12.12.2023. godine, vrši se dopuna nacrta Odluke na način da se u članu 38. Odluke iza stava 2) dodaje novi stav 3) koji glasi:

“Sredstva utvrđena u Budžetu za isplatu naknada za rad Zdravstvenog savjeta Grada Tuzle, isplaćuju se na osnovu Odluke o naknadama vijećnicima i članovima radnih tijela Općinskog vijeća („Službeni glasnik općine Tuzla“, broj: 6/97, 10/02, 12/06, 1/08, 1/09 i 11/10)”.

U ostalom dijelu prijedlog Odluke o izvršavanju Budžeta Grada Tuzla za 2024. godinu ostaje nepromjenjen.

Ova Odluka primjenjivat će se za fiskalnu 2024. godinu.

***OBRADIVAČ:***  
***Služba za budžet i finansije***